

Saturday, March 8, 2025

Time - 2:30pm - 2:35pm

AKASHVANI AIZAWL  
REGIONAL NEWS UNIT

IWD 2025

Khawvel huap Hmeichhiate Ni (International Women’s Day) pualin vawiin khan hmeichhiate tana kawng sial pawimawhna inzirtirna hun hman a ni.

Mizoramah pawh he ni hi ngaih pawimawh a ni a, Minister Pi Lalrinpuii chuan Zoram mipuite Hmeichhiate Ni chibai a buk a, Hmasawwna tluantling nei tur chuan hmeichhiate dinhmun chawikan a pawimawh takzet tih a sawi a ni.

MLA Pi Baryl Vanneihsang chuan he ni puala thuchah Akashvani kaltlanga sawiin, hmeichhia ten nih theih loh an nei lova, duhna tak tak an neih chuan an thei a, inlungualna leh induhsakna a pawimawh hle a ni a ti.

MHIP President Pi Ngurmawii Sailo pawhin Mizoram mipuite chu Hmeichhiate Ni chibai a buk a ni.

India Women Hockey Player Lalremsiami Hmar chuan Hmeichhiate Ni pualin Mizo mipuite chibai a buk bawk.

<><><>

IWD AKASHVANI

Khawvel puma hmeichhia te ni 'International Women's Day' pualin, vawiin khan Akashvani Aizawl chuan an hmunpui Tuikhuahtlangah hun an hmang.

Multipurpose Hall-a hun hmanah hian, Akashvani Mizoram Director leh Cluster Head ni baw Pu DR Lalropuia chuan, khawvel puma hmeichhia te ni pualin kal khawmte chu chibai a buk a. Hmeichhe thil tih theihna chu khawvel thil tih theihna a ni tih hre rengin, chumi kawnga hmalakna chak taka kalpui chu an thupui a ni tih a sawi.

International Women's Day pual hian Mizoram hmun hrang hrangah hun hman a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Zanin dar 6 leh a chanve-ah Chanchinthar hi puan leh a ni ang.

<><><>

**RNU DISCUSSION PRE PUBLICITY**

Akashvani Aizawl Regional News Unit buatsaih thupui hrang hrang hmanga mithiamte thusawina hun RNU Discussion ah naktuk chawhnu dar 12 hian Mizo khawtlang nuna Chapchar Kut pawimawhna chungchang sawihona tihchhuah a ni dawn.

Naktuka RNU Discussion Importance & Significance of Chapchar Kut tih thupui hmanga sawiho turah hian Dr Malsawmdawngliana, Associate Professor, Govt Aizawl West College leh Ruth Ramengmawii, PhD Scholar, MZU ten mipuite hriatttur pawimawh tak tak an sawi dawn a, RNU Discussion hi thla hmasa February leh tun thla March chhunga neih tura ruahman a ni.

<><><>

**DRUGS SEIZED**

Central YMA chuan ni 6 kal ta chhung khan Ruihhlo thahnem tak an man a, hemi kaihhnawihah hian mi 44 man an ni bawk.

Central YMA Kumpuan hmalakna in tun hnai ni 6 chhung khan No. 4 : Hawng - 41, Tictac bur – 37, Alprazolam tablet 23 leh Diazepam Tablet 20 man in heng bakah hian Ganja gram 656 leh Codeine bur 8 bakah Ruihhlo kaihhnawihah hian mi 44 an man tel a, Home leh Ruihhlo enkawlina Center hrang hrangah mi 7 dah luh niin Excise and Narcotics kutah mi 7 hlan an ni a, Counselling class kal mi 2 awmin Police kuta mi 1 an hlan bakah in report tura tih mi 27 an awm bawk a ni.

<><><>